

Hebru

Anutu Gipoleño Don Miti Ra Qelaņane Nedanlukwareke

¹ Mokaka Anutu eņe propet taleongi, eņe atakine loutne don tanikine kine mane kine mane, so don numaine kine mane kine mane ŋabokopze edane sarimaņkoi,

² ŋo ŋado naso iwa, yemo Gipole talekaki oņo don ŋedange, Giplole eņe weku Anutuņo talekaki, oņo yeye kine kine kepe so qeli kotino ma wakon wareke, eņe wekuņo naso qoeki yeye kine kine ea wane welaine okaniakane Anutuņo kutno more birakake.

³ Eņe qelaņanineņo Anutu wane ewe zonom earop motki qaga gaemaikē, eņe Anutu eņine rokop eņine kait toqaine so kait kewatokine yaleka tokso giridiņ, so eņine don zonomine togole eaņo kepe so qeli korop ea kito qesiņ maki pa okanmaikē. Eņe ŋei borikinane zonom sauke mataliki siukwareke, so kepe ŋei ŋerep sot midaine gekenane bira ŋonge, so ea wane ŋadino weti qeliwo wake, Anutu Zonom Ware Ware Welaine wonino metmaikē.

Anutu Gipoleņo Suaineņo Aņelo Edo Nigmatne Ketkele Okanmami

⁴ Anutu wane Gipole eņe aņelo eņane suaine birakake, ea yemo eņetine suaine Anutuņo mange, aņelo eņane eņet eamo nigmatne ketkele ea wane kop.

⁵ Anutuṅo aṅelokoune eṅano ṅine mane iwa yale mi olatke, so Anutu wane papiao iwa yale mo qeqine,

“Ge naṅane Giponne, ukude na geṅane Magaṅone okanmaile.”

Me Anutuṅo aṅelo mane iwa yale mi olatke,

“Na baṅ eṅane Magaine okanikale, eso oṅo baṅ naṅane Giponne okaniake.”

⁶ So mane yemo Anutu eṅe alakan Gipole kepeo birakaki kesiakane okaneso, iwa yale rake,

“Anutu wane aṅelo korop eṅe wa welene qe ewine kito meṅenka more mawakaikei.”

⁷ Anutu eṅe aṅelo eṅane wetke more iwa yale rake,

“Anutuṅo aṅelokoune momo so gerep bolamine yale biraongi, eṅane urata maikai wane ket okanmami.”

⁸ No Gipolane yemo Anutu eṅe ora olale rake,

“O Anutu, geṅane ṅei waom met metṅone, yemo baṅ naso baṅem naso baṅem mere ariake! ṅei ṅerep eṅe korop geṅane baṅṅonoka pa waremami, ea koboboineka ware onikene.”

⁹ Ge masi mainane simin ganiake, so borikinanane baṅṅone wayake, kine ea wane Anutu eṅe geṅane Anutu, oṅo ge mawakongane more, kelok leweṅono qakgange, eaṅo oi bakom kakapa zok manerop ewe kiti kitinerop, so aṅelo magu eṅe yaline kaki mane mi okanonge.”

¹⁰ Eṅe koso ora rake,

“Ge Waom, mokaka qei kino lopenṅ seleleine more, kepe iwa ma wakongone, eṅe togogle pamaike, so ge geṅone metenṅoneṅo

qeli ma wakongone, so kutno kine kine wenenj.

¹¹ Kepe so qeli enj korop banj siukwarekei, njo ge yemo banj ge ari gekene, kepe so qeli ere takot so laplap sogine toi toine yale leleki yeine kito qokkene.

¹² Ge banj takot suaine mane rutupkemami yale, qeli so kepe ere rutupke more ledun osikene, pakimo ere banj qeinge takot musele yale okanikeik njo ge yemo naso banjem gemaine yaleka gekene, so ge banj sua sele mi lelekene, so nasonjone mane mi qoeyake.”

¹³ Anutu enj anelokoune enjano njine mane iwa yale mane mi olatke,

“Iwa nanjane zonom wazano wonnoken metnom, na genjane njabakopjone biraonbe, enj kie geso gesok yale kienjonane bano metpi gesok onikene, so anelokoune enj don ea mane edange me? Midakaka!”

¹⁴ Pakimo anjelo enj onokaka? Enj korop asu, enj Anutu qelidine qe ge okanmami, so edo nej mena menanj magekei so gege togon wane raraine, enj mapik ongei wane biraonge.

2

Anutuño Nebuki Menangone Yemo Zok Kakapa Suaine Manerop

¹ Anutuño propet so Gipole so anelokoune biraongi ketkoi, ea wane njene don wele detkone, eaka korop togole malilip kanjem kotozo payake, paki njene peleke more misuk njadekka arikene.

² Anutu wane pi don anjelo edo n̄abokopze don kisi edangoi, ea yemo don wele mo ra togolekoi, paki n̄ei mane en̄e togoleka, ea mi dere mog-are geake, so mi dere teweke magekeyake, en̄e tanik manikine qotkoine ea wane turun̄ine wikile qotkoine marat kayake.

³ Waomze Yesun̄o n̄ebuki menan̄gone, ea yemo masi zok kakapa suaine, ea wane n̄ene mena menan̄ don kakapa suaine, ea n̄adek kaikeneo, daleo borikinane turun̄ine wikile qotkoine ea kakakka arikene me? Midakaka! Eamo Waom Yesu on̄om mo alakan rawakonge, pakimo ketene welen̄o detkakoi, en̄e rapoke tingo n̄edane sari mageu, mo togole wareke.

⁴ Pakimo naso yewaoka, Anutu en̄e on̄om yale-waka takotke more, don ea ma togoleki paki, zonom so de kinen̄ine medepinen̄o ma wakone more, qesin̄ka more, masi kine kine togogole natne make. Paki, Asu Koboboinane bakom, qan̄aine more, mapoke en̄ine wetine so simileinane n̄ei n̄erep ebonge, pakimo masi yewan̄o iwa yale qe wakonmaiike, Gipolane don ea mo don welekakatneka.

Kristo En̄e N̄ebuki Mena Menan̄ Ea Wane N̄etne

⁵ Anutu en̄e kepe mat mane musele baj n̄ado ma wakoniake, n̄ene ea wane dereret urata ma don ramaine, yewao an̄elo edo ware ware okane warekei wane mi biraonge, midakaka.

⁶ Ea wane don, n̄ei manen̄o Anutu wane papiao maneo iwa yale qeke,

“Anutu, ɲei eɲe onokaka wane ge eɲane wetke okanmaine, ɲei wane gipole, eɲe onokakainane ge wareka okangene?”

⁷ Goɲo aɲelo magu eɲane ketkele qei maket bano nasomde bamgoka geakane rakokka more birakakone, goɲo qeli ewe zonom so bakom mawa mawa, ea wane eɲet biɲekɲo marokine okangi bira kakone,

⁸ paki qeli so kepe erane kotino so kutno kine kine korop kie tabeinane bano biraone mere ware oniakane, ware ware suaine bira kakone.”

So Anutuɲo eɲe ɲei ware ware birakake so yeye kine kine korop wareakane, so eɲane bano biraon wareke, ɲo iwa ramaike yemo yeye kine kine korop motke, yewa mane mi mawaluke matoke motki paki, eɲe koropka eɲane meto sunka manwareke, ɲo siluɲ ukude iwa ɲeiɲo yeye kine kine korop Yesuɲo ware kamaike, me eɲane meto pamaike, ea yemo mi kamaine.

⁹ ɲo siluɲ ɲene Yesu kamaine! Eɲe nasomde bamgoka aɲelo eɲane bango ketkele birakake, wane ketkele ge more seu seu so wikile detkane qelaɲan so eɲet biɲek mangi teweke gemaik, eɲe Anutu qomine rarainane, ɲei korop eɲane seuke more mapik oniakane rakaki, seu seu wikilerop tabaine, eamo ɲei korop ɲenane ra detke. Ea wane Anutuɲo eɲe ma wie more, eɲet biɲek suaine manerop, eɲe manwareke.

¹⁰ Anutu eɲe yeye kine kine korop, ea wane kine so welaine, oɲom kine kine korop ma wakon onwareke, ea wane Yesu eɲe dokoine ea korop ebuki paki qeli ewe zonom kotino biraongi waketkei wane, raki paki wikile desiakane, Anutu

oŋom rakokkake, so urata don mange, pakimo Yesu eŋe ea wane rokop okange, so wikile dere borikino ŋine mainongi, qeli wane binjek okangoi, paki mo Waom Anutu eŋe urata ea Yesu wano motki oŋo maki mo koboewareke, ea wane Yesu eŋe wekuŋo ŋei iwenongi ariu, Anutu eŋe koso ebuyake.

¹¹ So Yesu eŋe ŋei ŋerep ebuki, Anutu wane magu wakonmami, so oŋom natne borikino ŋine maulukonge, me qelaŋ panamango gege ea maki masakangi, libe qekoi. Ŋei ŋerep yewa eŋe enŋenarek korop Magaene weku okanmaike, ea wane Yesu eŋe ŋolekounne edorayakane detki mi qeka okanmaike.

¹² Ea wane eŋe Magainano ramaike,
 “Anutu, na baŋ geŋane don kisiŋone ea ŋon qane edanikale, na baŋ ŋei miti wane lewageu, eŋane kaiteno eŋetŋone gora bakom kito mawa ganikale, paki magu eŋano oi bakom wakoniake.”

¹³ So mane iwa yale, “Na baŋ wet mali malipne Anutu wano more eŋano kito togole gekale.”
 So mane iwa yale, “Na iwa Anutuŋo ŋerep medep ninge na eŋerop weneŋ gemaine.”

Yesu Eŋe Mapikŋoniakane Ŋei Yale Wakonge

¹⁴ Ŋei Borikine eŋe ŋei ŋerep ma ket biraongi seuke, siukkei wane zonom kakapa suaine pa mange, ea wane ŋerep medep eŋe sola so weŋem bikum gorop gemami, wane Yesu oŋom eŋe yale okangi paki, eŋane tanik manik ea make. Eŋe yewa okange yemo seukki, eŋane seu seuineŋo

Satan qe more ma ket birakaki, zonomine mida leleakane.

¹⁵ Paki ñei ñerep eñane gege ene korop seu seu wane kaet gege yewaño qelit qe qe ebuke, eamo Yesuño seukki paki, qotkoino ñine siwotonge.

¹⁶ Iwa yemo welekatne didiwo wakon maike, eñe añelo mi kito qesiñ ebu okan onmaike, eñe kito qesiñ okan oniakane turuñine yemo Anutu wane papiaonjo don mane iwa yale ramaike, “Eñe Abraham wane ñosa ñabokoune kito qesiñ okan onmaike.”

¹⁷ Ea yemo eñe ñon qaine eñinerop rokop weku okane, numa kine kine okan wareake, yale okangi paki, eñane Pris Wawaine, Wetne Pesesekatne so qom borik korop Anutu wane urata mauluke mayake, paki ñei ñerep eñane borikineenane turuñine qekoke more mataliki siukeake.

¹⁸ Eso naso iwao yemo eñe ñei natne liwe liwek wakonongi, eñe maine mapik oniake, onoka wane eñine eñe liwe liwek wakonkake paki, eñe wikile zok maratcake.

3

Yesuño Suainenjo Mose Eñe Nigatne

¹ Doku tau tau kimakopne, ñine Anutu eñe qeli gege mat wane wenen yale waka ñidora newan ñunge, ea wane ñine Yesu miti qelit ñei so pris wawainano deñine ka mogare kalilipka arikey, eñe Anutño ñene mali malipze didiwo ra wakongone magemaine, ea wane Pris Wawaine okaniakane taleka more birakaki ketke.

² Eje Anutu anjaine teweke urataine mauluke make, oṅo urata ea mayakane mawakonkake, Moseṅo urataine bororom mauluk qeuluk, Anutu wane ṅei ṅerepṅo mat okanmaike, yewa wane kotino Mose eṅe mamaṅke, ea wane rokop, Yesu eṅe make.

³ ṅei mat mamaike eṅe mawaka okanmami, mat eṅine mi mawaka okanmami, rokop weku yewaka Yesu wane qeli ewe zonomineṅo Mose wane zomine yuankamaike.

⁴ Mat korop ea yemo welekatne kepe ṅeiṅo ma okanmaike, eso Anutu eṅe wekuṅo yemo qeli so kepe korop mawareke.

⁵ Mose eṅe Anutu wane matko ge more raki, korop tewe tewek urata make ge wareki paki, qelit mama yale magukoune eṅano urataine mauluke make, paki Anutuṅo don baṅ ṅado ra wakoniake, ea wane don Moseṅo rake, so qelitne qeke.

⁶ No Kristo yemo eṅe anṅa tewe tewekinerop, wane Gipoleṅo Anutu wane mat welaine, oṅom wareka okanmaike. ṅene eṅine mat so urum koune, ṅene sorin borin okane mali malipze warekaṅem oṅo kaki, mali malip wane biṅek qe ṅebonge, ea waneka seleleine payakeo, yemo naso qoeyake, naso yewao ṅene baṅ eṅane magu so mato urumine wele okanikene.

Anutu Wane ṅei ṅerep Magu Eṅe Sola Pesek Maratkaiki

⁷ Ea wane don mane Anutu wane papiao qeqine Asu Koboboinṅo iwa yale ramaike, eaṅo ṅenane biṅek okanmaike, “ṅine Anutu wane don ukude detmamiwo,

⁸ yemo njine wet togon alakan okane more njabokopnjine Anutu njabakakoi, yale misuk okanikei, njine kaiwe yewao kepe yaup papaino gekoi, paki ene liwe liweko birakau det worik wakonge.

⁹ Ea wane Anutuño ramaike, ene ban nanane urata na korop togoleka koma 40 masi mawe kakoi, no koso ene silun wawaine okan nane more liwek nangoi.

¹⁰ Kine ea wane na nei njerep yewa enane sotne osiki rakole, 'Ene naso banem weteneño na mi mogat nanmami paki, naso banem nanane numa mo enane binjek qekole, ea qelinmami.'

¹¹ Yewa wane na sotne osiki don iwa yale ra togole edangole, 'Welekakatne wenen weti qeliwo, ene nanane matko saket more narop sola pesek mane mi mesikei!' Anutu ene don yalewa rake.

¹² Kimakopne, na ea wane rawe njine kaulukkei, njinane keuo njine maneno kotine qotkoine so mali malip midaine geki paki Anutu Gege Togon Welaine enano njine, mi kakakka ariake.

¹³ Kaiwe banem njene ra okanmaine, "Ukude" kamde, yale wane mo njine kaiwe banem bonep bonep Anutu wane nei njerep don bile so mayakakatneka kito edanikei, so qomene ma ewekkei. Ge njinano njine mane ene borikeneño isikaki paki maki wet dereretine siuke, togoleakane njin girem njine au more, nan qe nagu geki.

¹⁴ Nene korop Kristorop wenen enane soukoune enine rokop tego weku okanmaine, yemo njene alakan kieke more detlukka malipkakone,

ea togogole malilipka ge more magenem naso qoeake, njene yale okangeneo, yemo njene Kristo wane soukoune eninerop tego weku okangene.

¹⁵ Ea wane Anutu wane papiano iwa yale ramaike, “Njine Anutu wane don ukude detmamiwo, njine njinane njabokopnjine sogino wet togon okane Anutu njabaka gekoi, yale koso mi gekei.”

¹⁶ Manjo Anutu wane don dere more wet togon okane sotine osiki enje njabakake? Nei njerep korop Mosenjo ebu iwen ongi, Ezipt kepeo njine arikoi, nej njerep koropjo okangoi,

¹⁷ ea wane Anutu enje manerop sot osi osi okane geki, koma 40 okange! Yemo nej njerep borikine mau paki, kepe keuno yaup papaine mat mane mi pamaikeo, seuk warekoi, parejene ea pa arike.

¹⁸ So Anutu enje done togogole ratogole more rake, “Enje mane nanane mat koto mi saket more narop sola pesek mesikei.” Enje don ea manane rake? Neiwa wet togon okane njabakakoi, enjane rake.

¹⁹ Ea wane njene iwa yale detmaine, enje Anutu wane don detluke more mi malipkakoi, kine ea wane enje umareu paki sola pesek matino mi waketkoi.

4

Sola Pesek Wane Gege Matko Lotkekenane Ra Nebonge

¹ Iwa yemo Anutuno sola pesek mat yewao waket more, enjerop wenenj sola pesek gekenane, rara togon ra binjek qe njebonge, ea wane njenano njine maneno sola pesek gege mat yewao mi wake

waket gege keuo peleke more, numao siukeakane
 njene dere mezet njoniake.

² Nene Sigi Maep Don detmaine, ea wane rokop,
 Yuda jei eje mo detkoi, no yewajo mi mapik
 onge, eje Anutu wane don ea dere kotoeno more,
 mi malipka lukkoi, kine ea wane Anutu eje
 sola pesek, me gege maep matko waketkei wane
 iwenonge, no eje mane mi waketkoi.

³ Nene jei njerep mo Anutu detlukka malip
 kamainero, yemo sola pesek mat yewa wane
 kotino koto waketjem paki, Anuturop sola pesek
 mesikene, ea wane eje iwa yale rake,

“Na sotne osike, paki don togoleka ratogole more
 rakole, ‘Eje welekakatne sola pesek matko
 mi waket narop wenenj mi mesikei, i mi-
 dakaka togole!’ ”

Eje don ea mo Yuda jei edange, so mo sogino
 qei bano Anutu eje qeli so kepe mawa reki qoeki,
 don ea eje wenenj yalewa rake,

⁴ Anutu wane papia keune maneo sola pesek
 kaiwe naso sewen ea wane iwa yale ramaike,
 “Anutu eje urataine mamageki, kaiwe mama
 mete mane so mete natko etke qoewareki, yewao
 sola pesek so mere zonom make.”

⁵ Don ea waneka koso manerop rake, “Eje
 nanane sola pesek matko mi saketkei, so eje
 narop wenenj mere zonom mi makei.”

⁶ Yalewa wane mo don eajo iwa yale sikan
 njonmaike, jei njerep alakane more don kisi maine
 detkoi, no eje sola pesek matkotino mi ari waket
 more, Anuturop wenenj mere zonom mi makoi,
 onoka wane, eje don kisi maine ea detluke mi

malipkakoi ea wane. No nei natne eje sola pesek mat kotino waket more, Anuturop wenej mere zonom mama, ea wane eje mo detonge.

⁷ Ea wane Anutu eje koso kaiwe naso mane nei njerep ea enane nasoo motke paki enetine “Ukudeka” orake. Nado koma naso loutne qoe-wareki, Anutu eje Dawit wane wetno motki onjo ra wakonge, ea Anutu wane papiano mo reke,

“Ukude nine Anutu nanane pi so don desikeiwo, yem nine wet togon koso mi okane gekei.” Dawit wane nasoo Anutuŋo rake, “Ukudeka,” yewano iwa yale sikan nonmaike, Anutu eje naso mane koso ban nei njerepkouna ari sola pese matko wake waket wane takotke motke.

⁸ No Yosua mo mane nei njerep iwenongi, Anutu wane sola pesek matko ari waketkoi ra, yemo Anutu eje kaiwe naso mane wane don mi raki-rap.

⁹ Ea nene wane iwa yale desikene, Anutu wane nei njerep magu enane sola pesek metmet ea wane peada me tabon naso mane pamaike. Yewao eje Anutuŋo kaiwe mama mete mane so natko etke(7) mere zonom make, yale waka eje tabon mere zonom makei.

¹⁰ Nei mane eje sola pesek mat kotino waketki paki Anuturop wenej mere zomom mayake, eje Anutuŋo urataine ma mageki qoeki, mere zonom make, yale waka eje kepo urataine maki qoeki, makoke more mo, eje sola pesek matko waket mere zonom mayake.

¹¹ Ea wane nene urata togogole mauluke manjem qoeki, sola pesek mat koto waket more,

Anuturop wenenj mere zonom maikene, njenano njine natnejo eje okangoi, yale misuk okanikene, eje Anutu anjaine so donine qe more birau paki, sola pesek matko wakesikei wane qeka numaene siukke.

¹² Anutu wane don yemo gegerop so zonom goropjo pamaike, ea yemo eje njetine teine, pilanj mane njadino so qomino njetine teine ea wane kop, jo zok manerop yuan kamaike, eajo korop qei kotinerop kitare ket mage, wet dereret so onja onja erane yaku yakuetne ea so set enjane tutuene ea korop kitat waremaike paki, eajo nei kotoenane wet dereret so dereret ma wesak, so wet mali malip ea wane kine ma wakon okanmaike.

¹³ Yewa Anutu wane kaitko yeye kine kine mane mi siukeake, yeye kine kine ma wakon wareke, ea korop enjane deine metine kutno didi-woka wakone pawaremaike, so enjano, njene korop kineze rapoke olale more don urata makene.

Yesu Eje Ra Rokop Muselane Pris Suaine So Wawaine Qeliwo Gemaike

¹⁴ Ea wane njene mali malipzane kine didiwo ra wakongone, ea togogle malipka gekene. Yesu, Anutu wane Gipole, njenane Prisze Suaine So Wawaine, eje mo qeliwo arike, Anutu wane kaitko gemaike.

¹⁵ Njenane don borikine mane njadeka more qepap kaikenane rokop me togole togoleze yemo midakaka, njenane pris suaine so wawaine, eje yemo njene set pelek okannjem, eje mi njone njadekjon okanmaike. Nene Prisze suaine so wawaine, eje gemaikane njenano liwe liwek

wakonjon okanmaike, ea enano kito togole okora qesin jonkgi, maine mali malipze ra qelanjangene, Yesu ene yale waka enano liwe liwek kine kine eamo korop wakonka wareke, no liwe liweko peleke more, borikine mama mo oka okan, eamo mane mi make so okange.

¹⁶ Ea wane jene seleleine qe more Anutu wano arikene, enano ari more okanikene, paki Anutu ene wet menan so qom peseine manerop pamaike, yalenane jene enano naso banem enerop tako rakot okora more, enano jene ban wet menan so qom peseinane zonom kine kine natne wenen manem, eno wakon jongi nananem, no maine mapik joniake.

5

Yesu Ene Wikile Urata Mamanji Anutunjo Pris Suaine So Wawaine Mawa Birakake

¹ Pris ma wakon ma wane masi so tanik manikine, yewmo iwa yale, Pris Wawaine korop ma wakon ongoi, yemo nei kimakopene ene enjene keuo jene ma wakonbi paki biraonbi, ene Anutu wane don mogare nei enane ra more Anutu wane qelit qeu paki, borikinane bakom so soe soep mire Anutu manbi, ono detongi paki, borikineene sauke mataliki siukeakane.

² Pris enine ene kepe nei, setine pelelekatne, ea wane ene nei qelan so qeyau mayau gegine, no ene urataine, ea maine bororom Waom wane donjo daleo ramaike, ea wane rokop mogare nei dereretnene midaine me Waom wane numa qeayake matalimanjoi, ea enane bororom ma okan onmanjke.

³ So onoka wane enjine enje kepe nej pelelekatne ea wane enje nej njerep enjane sotwaneka soe soep mi mit manje, enje enjine sotinane soe soep enje wenenj mitmanje.

⁴ Pris lewet urata ma gege, ea mo enjet zok suaine so wawaine, ea wane nej mane enje onjomka ma wakakei wane raki paki, pris mi wakonmaiike, midakaka, ea yemo Anutu onjom weku, nej yewa oraki paki ma wakonka more, pris urata mangimo mamaiike. Eje mokaka Aron yale waka oraki paki, urata don mangi make.

⁵ Kristo enje yale waka onjomka mawanaguki paki, Pris Wawaine geakane mi wakonge. Onjom wakoniakane turunjne yemo Anutuño olale rake, “Ge nanjane Giponne okanmaine, ukude na mo genjane Maganone nonjo ma wakon ganmaile.”

⁶ Eje yaleka amenjne maneo rake, “Ge ban pris okane naso banjem ge arikene, Melkizedekno pris geke, enjane kop gekene.”

⁷ Mo sogino Yesu enje kepeo geke, naso yewao enje Anutu wano suaineka mejenka arokkake, onjo seu seu njine qesinja makok kayakane, onoka wane enje ketkele geke, ea wane Anutuño meje mejenine detki, menanje paki mapik kake.

⁸ Yesu enje Anutu wane Gipole geke, no silun koso anja tewe tewek wane kine desiakane Anutu wane ketkele ge more, anjaine teweke umat so wikile korop kutino waki kaukke. Pakimo yewano Anutu wane don me anja tewe tewek wane kine kito mane olatlukke.

⁹ So enje yalewa okangi paki, zok manerop Anutu anja tewe tewek wane mayakakatne

okange paki, Anutuŋo olale rake, “Ge Pris wawaine Melkizedek wane rokop,” ea wane eje ŋeiwa aŋaine korop tewek okanmami, eje ebu more qesiŋone more, mapik ongi, naso baŋem geuluke gege togon gearikei.

¹⁰ Paki Anutuŋo eje ma wakonka more rake, “Ge pris suaine so manerop wawaine, Melkizedek wane kop gekene,” rake.

Medep Nigmatne Eŋane Kop Misuk Gekene

¹¹ Nene Melkizedek wane don ŋidangenane zok manerop pamaike, ŋo siluŋ ŋine dereret ŋine ea ukude yemo zok mi qelaŋangi detlukmami, ea wane nene kine ra wakone ŋidangenane zok umatne okanmaike, onoka wane ŋine kine desikei wane bauwawa ŋungi bororom det okanmami, ea wane.

¹² Nene naso kiroine doku taune magu, mali malip korop okane, Waom kito ŋebo ŋebon wane urata ma gekoi, ea mo maine kopkemaike, ŋo siluŋ Anutu wane don kine didiwo kieke more rara, ŋei natne edo kito ŋidanikei wane ŋine ŋaŋaemami, ŋine ŋara togole kipoke nekei, yalemo ŋine ŋamuka nemami.

¹³ Nene mane eje ŋamuka ne gemaike, eje medep nigatneka gemaike, pakimo eje maine so borikine ea wane kine mane koboine mi detmaike.

¹⁴ Nat paromine yemo ŋara togole eamo ŋei ŋerep suaine eŋane biŋek, eje ŋei yaline mo sikan ongoi, ea wane eje mo liwek one more, maine so qotkoine erane kine mo ma wanokekane more detmami.

6

Nene Mali Malipze Malipka Lukkenane Urataine Togoleka Maikene

¹ Ea wane nene Kristo wane don so don kineine misuk ra modasikene, nene mat bosinjine, ea naso banjem atakine loutne mi yaso okanmaine. Yale waka nene don yewaka atak loutne misuk ra modasikene, nene Waom malipka more, wet maingekenane so kine kine natne, gegeine midaine yewa ndek kaikenane, yemo maine raikene. No nene urata mamami, nene mo ndekakone, ea ra more koso nago nagon misuk mosikene.

² Paki mo nene don iwa yale qeligenem rap? Miti Doku tau tau wane don, so nei lewetko mete mot mot wane, so seu seuo njine wie wie, so nasoo Waom wane kaitko borikinane turunjine ebongi, don urata mama wane don, yewa korop qelinj warenem paki, nene nei mo suaine enjane don raikene, yemo zonom maine papa togon pa ariake, ea ranjem kopkeake.

³ No nene Waomno maine yale waka urata ea maikenane det noniakeo, nene maine yewa ban maikene.

⁴ Nei mitino ma qelanjnongi, Anutu wane qelanjango mo gekoi, enjane qeliwo njine njara mo ma nekoi, ea so Asuno mo enjano mere bakomene damo qe ebonge. Enjane ea korop qelige qeyau ariu, daleo ebuwi koso wetene maine maingeki me?

⁵ Enjane Anutu wane don ea yaup solanjoka liwekka ka more mau paki, simile mo detkoi, so rakoi ea don maine paki, enjane gege togon Anutu wane zonom njado sariake ea mo detkakoi.

⁶ Paki eņe qeyau ket Anutu ņadekka ari warekoi! Wane ņei yaline koso ņado ebuwi zinge sari wetene maingekei me? Midakaka, onoka wane eņe masi yale okane, Anutu wane Gipole koso manerop kiben ęabego ęekei paki, ņade don okane, ņei deeno gamu gamuo birakaiki.

⁷ Kepe mane koyano naso banem ęe more kito ma peseki gukine motki ņei eņe ņara met okanmami, eņane ņara zaguk ma wakon okanmaike. Anutuņo kepe yewa mosopkaki, mosopinane wele wakon okanmaike.

⁸ Ⱥo kepe yewao kine kine wakelerop so touk gotkoinenjo sua wiemaikao, kepe yewao eņe borikine, ea wane kine kine ebosikene, yemo wele midaine okan maikane, Anutu wano ņine soa waran kamaike, wane ņado ban gereņjo zeki mida sololokeake.

Sorin Borininerop Okane Okora Gege

⁹ Ⱥo silun ņene don umatne iwa koso ņinane ramaine, yemo kima maepkopne, ņine borikei wane mida, mitiwo meņenka luke more, ęekei wane ņene detluke more ramaine. Ⱥene detmaine ņine mosop mayakakatne gegeņine maratkaiki wane magemami.

¹⁰ Anutu eņe ņei matali mida, eņe ņine urata makoi, me ņine eņe ęesinka mangoi, so doku tau tau magu kimakopņine yeka ęesin onmami, ea wane Anutu eņe ņinane urata mamami, yewa mo sogine me musele naso iwao, ea wane mi nigetkamaike

¹¹ Ⱥenane wetze suainenjo ņinane wetkemaino so simin ņonmaike, yemo ņine korop wet bonop

bonep sorin borin ninerop okane okora mageu naso goeki, yeye makei wane wetke tomaka more Anutu malipka gemami, ea ban wakongi wele kaikei.

¹² Njine bau wawa okanikei wane njene mi njonmaike, njine miti nei mali malipkorop so togole togolerop gekoi, njine enje yale gekei, paki Anutuño yeye kine kine binjek qe njibonge ea maikei.

Anutuño Binjek Qe Nebonge Ea Detlukkene

¹³ Anutu enje Abraham rara togon don olatke, naso yewao nei suaine manenjo Anutu enjine kop yuanka mi geke, ea wane enje ra more donine eaka, Anutu enjine enjetko ra togoleke.

¹⁴ Enje iwa yale rake, “Welekatatne na ban mosop suaine mosop ganikale, so na ma leule ganbe njosa wili wilikopnjone loutne wakonikei wane na rara togon don iwa golatmaile.”

¹⁵ Abraham enje Anutuño rara togon don ratogole more olatke, ea wane tomaka ge more, bau wawaine midaine gemage wele maratkkake.

¹⁶ Nei mane enje don mane ra togoleakane okane more, nei suaine mane enjine kop yuane gemaiké, enjane enjetko ora ra togoleki, enjo nei kimakoune enjane anja mawonge okanmaiké paki, enje don raikei wane qeka okanmanjkei.

¹⁷ Ukude nasó iwao enje yaleka Anutuño don wele mane raki paki motki, don ea mane mi pelekeake me qororogeake enje mo raki togole lukeake. Anutu enje nei binjek qe ebone more don rake, ea yemo don togogole mane, me pelekeake. Enje rau paki, iwa yale desikei, Anutu enje don

ramaike, ea turuņine mane mi raraine so main maine, ea midakaka!

¹⁸ So Anutu eņe isi don mane mi rayake, ea wane don etke ra more motke. Pakimo don eaņo mo togoleke, mane yemo eņine eņetine Suaine rake. So mane yemo don togogoleka ra seleeluke more rake, ea wane tutule me eņane ņadino maneņo dere eweke don mane koso takotke raraine, ea yemo midakaka. Eņe mo raki togole more togoleke, ea mo wetine kine eņe mo dere luluke more rake, eaņo ra rokop donine okanmaike, ea wane ņene Anutuņo kine kine biņek qe ņebonge, ea wetzeņo togole malipka more tomaka gekene.

¹⁹ Țene teba teba me newanka gegeze iwa ma gemaine, ea yemo ņenane wet maki pese more momoe wareake. Țenane wet pesek ea Yesu. Eņe qeli wane Bakom Țrum ņadino qepoke ari, Țrum Kobekine eao waketke.

²⁰ Yesu eņe ņenane raki paki alakane more, Țrum Kobekine ea waketke, eņe Pris Melkizedek wane kopko, Pris Wawaine okangane, eņe naso baņem ge ariake.

7

Melkizedek Eņe Pris Suaine

¹ Melkizedek iwa eņe Salem wane ņei waom, so Anutu Wawaine weti qeliwo eņane pris wawaine geke, Abraham eņe ņei waom etke so etke enņene so magu kopene engu more, kawaliwo ņine zinge numao sariki Melkizedekņo maratkaiki paki, mosopkake.

² Abraham eɲe kawali qe more kine kine korop peikke, ea ɲine ten magu weku ea Melkizedek mange, Melkizedek wane eɲetine kine mikepka yemo iwa yale pamaike, “Nei Waom Koboboine.” So onoka wane eɲe Salem wane ɲei waom geke, wane eɲane eɲetinane kine yaleka iwa yale oramami. “Peam Wane Nei Waom.”

³ Melkizedek wane magaine me nagaine, me ɲabokoune eɲanoɲine natne eɲane eɲetene mane mi pamaike, me wako wakon naso me seu seu nasoine midadaine. Eɲe yemo Anutu wane Gipole yale, eɲe naso baɲem naso baɲem tako rakot priska ge ariake.

⁴ Iwa kau paki detkpi, Melkizedek eɲe ɲei kakapa suaine geke, ea wane qerakze Abrahamɲo aboɲ kine kine maine weku mane ea kawali qeki paki, ma more peikke korop mapoke nat paromine ten magu weku ea Melkizedek mange.

⁵ So Lewi wane ɲosa wili wilikoune eɲe Pris Suaine urata ma gekoi, Mose wane ra rokop donɲo rakoke rake, eɲe aboɲ maine ten magu weku, yale Israel ɲei ɲerep magu eɲano ɲine peik okangei, yale rarainane, ea yemo eɲe eɲene matkopene eɲano ɲine, eɲe Abraham wane ɲosa wili wilikouneka, ɲo siluɲ eɲanoɲine peik okangoi.

⁶ No, Melkizedek eɲe Lewi wane komineɲo mi wieke, ɲo siluɲ eɲe Abraham wanɲine aboɲ ten, magu weku yale peikke, paki eɲe Anutuɲo miti don biɲek qe mangi makane, eɲe mosopkake.

⁷ Nei mosop kamaike, oɲo suaine, ɲo ɲei mosop mamaike, eɲe nigatne eɲane bango gemaik.

⁸ Yemo pris eje ten magu weku peik okanmami, Yuda wane pris nei wawaine yewa eje seukkei, ɲo mane yemo Melkizedek, eje Abraham wano ɲine ten magu, weku peikke eje wisika gemaike, Anutu wane papiaɲo eje seukeakane mi ramaike.

⁹ Eso ea wane iwa yale raɲem, Abraham eje aboɲ ten magu weku Melkizedek qolekake, Lewi wane ɲosawili wili koune eje aboɲ ten, magu weku peikkei wane raraine, ɲo eje wenen yaleka siluɲ qolekakoi.

¹⁰ Lewi eje mi wakonge, ea wane iwa yale raɲem, eje qerakine Abraham wane wenem kotino metki, Melkizedek eje Abraham maratcake.

Pris Sogine Urataene Mi Menanlukke

¹¹ Lewi wane ɲosa ɲabokoune edo pris urata makeiwane ra rokop don, eaɲo Israel nei ɲerep ebonge. Wane Lewi wane ɲosa ɲabokoune eɲano pris urata mamaeneɲo maine menaɲge ra, yemo pris mane kuneɲine ɲado mi wakongirap. Pris mane eje Melkizedek wane rokop, ɲo Aron wane kop ea mida.

¹² Pris urata sogine masikangi musele wakongi Mose wane ra rokop don sogine eje yale waka masikangi museleno wakoniake.

¹³ So ɲeiwa Anutuɲo rake, ea yemo eje nei mane eje esep miloppine magu maneo ɲine, wane eɲane esep milop magu yewao ɲine, nei maneno aratao pris urata mane mi make.

¹⁴ ɲene det waremaine, ɲenane Waomze Yesu eje Yuda wane magu eɲane tego, ea ɲine

wakonge, wane Mose eṅe esep milop magu yewa edo pris urata makei, ea mi ra wakonge.

Pris Suaine So Wawaine Yemo Yesuṅo Melkizedek Yale

¹⁵ Nene mo ka more detmaine, pris mane wakonge, eamo Melkisedek yale, ea wane don so kine mo didiwo wakonlukki kamaine, eṅe Pris kine mane wakonmaike, eṅe Melkizedek yale.

¹⁶ Eṅe rara togon donṅo wenem weku me tego wekuṅo pris biraonge, me wakon ongei raraine, midakaka! Eṅe gege papa togon wane zonomgo pris okane gemaik.

¹⁷ Eṅane Anutu wane Papiao Anutu oṅom iwa yale ramaik, “Ge ban pris okane Melkizedek wane rokop eṅe yale naso banem togogoleka ge ari gekene.”

¹⁸ Nṅo Anutu eṅe Mose wane ra rokop don so numa sogine, ea mo mapapkaki masikanmaik, onoka wane, ṅo ra rokop don eamo zonomine midaine so mi mapikṅonge, ea wane.

¹⁹ Mose wane ra rokop don so numa eaṅo kine kine mane maki mi menanlukke, paki, ea wane ra more Anutuṅo ṅenane teba teba numa mayakatne mane ra rokop don wane tuno ma saket motke, wane yewaṅo ṅene tebanongi, Anutu wane osino maine sari lotke okanmaine.

²⁰ Anutu magakṅo Yesu pris ṅei wawaine birakake, eamo yaup mi birakake, midakaka, eṅe weti Waom qeliwo ra togole more birakake. Nṅo pris sogine eṅano, eṅe yale mi okanongoi, eṅe ṅei manenṅo weti Waom qeliwo raki pris ea mi biraongoi.

²¹ No Yesuᅅo pris okange, yemo Anutu oᅅom rakokkaki, mo okange so Anutuᅅo olale rake,
 “Suaineᅅo welekakatne mo weti qeli raki goeke,
 wane koso wet etke yale me yale maine mi
 rayake, ‘Ge pris uratao naso baᅅem naso
 baᅅem ge wakene’ ”

²² Kine iwa wane Yesu eᅅe tako rakot musele wele
 maine, ea wane ekiine okane more, tako rakot
 sogine ea muselēᅅo yuankake.

²³ Kine mane, yemo pris natne sogine gekoi eᅅe
 loutne, ea wane eᅅe seukmaᅅkoi, so takotke gege
 kiroine geu paki, urataene mi mamaᅅkoi.

²⁴ No Yesu yemo gege togon naso kiroine ge
 ariake, paki eᅅane pris urata ea qoe, ᅅei mane
 wane kutno mi wayake.

²⁵ Ea wane eᅅe maine eweke more, iwa so
 naso baᅅem ᅅei ᅅerep oᅅom mapikongi, Anutu
 wane osino sari okanmami, so eᅅe ebu more
 mena menaᅅ numao biraone more, eᅅine eᅅetko
 ma togoleon okanmaike. Onoka wane eᅅe gege
 togon gemaike, so Anutu ᅅo eᅅe qesiᅅ oniakane
 meᅅenka okanmaike.

Yesu Eᅅe Welekatne Kepe ᅅei ᅅenze Pris Suaine So Wawaine

²⁶ Yesu eᅅe Pris Wawaine, ᅅene yeye mane
 wane ᅅaᅅaᅅem, eᅅe qesiᅅᅅon okanmaike. Eᅅe
 koboboine, sot ᅅei me borikine mane kotino mi
 pamaike. Eᅅe ᅅei borikine mama eᅅane rokop
 mida, eᅅe libeka, eᅅineka kine mane, so eᅅe qeli
 kotino yuane gemaike.

²⁷ Eᅅe pris wawaine natne eᅅane rokop mi-
 dakaka, eᅅe kaiwe baᅅem eᅅine borikinane

bakom soe soep mitki paki, koso n̄ado ɲei ɲerep eɲane borikinane bakom soe soep mit mit naso baɲem okan makoi. N̄o Yesu urata mane yale mi make, midakaka, eɲe bakom wane soe soep weku mire mange, eɲe ea wane eɲine solaine atak weku qikka mange, eaɲo korop naso baɲem okane, yale okanmaike.

²⁸ Mose wane ra rokop donɲo ɲei wetene pelekatne sot weneɲ edo pris wawaine gekei wane biraon okange. N̄o Anutu wane rako rakok don togole, weti qeliwo welekakatne, eaɲo yemo Mose wane ra rokop don wane ɲadino sarike, yewaɲo yemo Gipole Pris Suaine Togogole birakake, eɲe baɲ wet ululun̄ka koboboine naso baɲem ge ariake.

8

Yesu Eɲe Prisze ɲei Wawaine Qeliwoɲine

¹ Don iwa korop ea wane woune yemo ɲene iwa yale ramaine, Prisze Suaine eɲe iwa nigatne kepo gemami, eɲe yalineka eɲe weti qeliwo ɲei Waom Suaine eɲane Metmet Zonominane woninoken metmaike.

² Eɲe pris urataine weti miti urum koboboino make magemaikē, eɲe pris wawaine so suaine, eɲe Urum Kobekine so Sigeine Togogole, ea wane kotino waketke urata mamaikē, mat yewa yaline ɲei manɲo mane mo mi make, eamo Waomɲoka maki wieke, Yuda ɲeiɲo seli kise kepe yaup papaino ma gekoi, ea wane kop mida.

³ Pris wawaine korop biraongoi, eɲe Anutu yeyɲo bakom so osomɲo mire bakom okan

kaikai so soe soep mire okankaikai wane ɲo ɲenane Pris Wawaine Yesu, eɲe yaleka, eɲe eɲine weɲem bikumineɲo Anutu bakom atak weku okankake.

⁴ Yesu eɲe kepeo geke ra, yemo eɲe pris mane mi okangirap, onoka wane eɲe Pris Ɗei Wawaine mo loutneɲo gekoi wane, so Anutu bakom okanka oka okan wane pris ɲei eɲe urata mo ma gekoi, na so eɲe ra rokop don ea wane kopko Anutu ɲara soep me bakom kine kine okanka gekoi.

⁵ Pris Wawaine eɲe Bakom Urum yewao urata ma okanmami, ea yemo eɲe welekatne oɲa oɲaine so ketkele, ɲo wele yemo qeliwo manerop wawaine so kine mane metmaike. Ea yemo Anutuɲo Mose olatke yale. Mose eɲe Bakom Urum mane seliɲo mayakane okangiso, naso yewa Anutuɲo olale rake, “Detmaine, ge kaulukkene so detlukkene, na oɲa oɲaine mo korop bonagao sikanganbe kawarekone, ea wane kop so rokouno detluke maikene.”

⁶ Ɗo Yesu eɲe Magakɲo pris ɲei wawaine urata mange, eaɲo yemo zok manerop kakapa, pris natne eɲane urata yuanka waremaike, ea yemo oɲo keu ɲeize ge more, tako rakot so siwa siwap museleɲo Anutu so ɲei keuzo motke, ɲo tako rakot yewa wane rara togon don ea mo weku mane okanmaike, onoka wane, ɲo yewaɲo tako rakot don soginane rara togon don, ea zonomine qe more, maki korop detki paki, zonomine mo mida lelewareke.

Tako Rakot Sogine So Musele

⁷ Alakan siwa siwap so tako rakot sogino pake, yewao boriwori mane mi wakonge ra yemo

Anutu eɲe ɲado siwa siwap me tako raketze musele atak mane koso mi ma wakongi rap.

⁸ Siluɲ Anutu eɲe ɲei ɲerep magukoune eɲane sotene maratka more rake,

“Waomɲo rake, na koso naso maneo siwa siwap me tako rakot musele mane baɲ Israel ɲei ɲerep eɲerop, so Yuda wane ɲosa ɲabokoune eɲerop ma wakonikale.

⁹ Ea yemo baɲ sakon qarekopene eɲerop na siwa siwap motkole, kaiwe yewao na meteeno ebu more iwen onbe Ezipt kepeo ɲine sarikoi, ea wane kop mida. Eɲe na siwa siwap ea eɲerop okangole, eɲe maine mi warekakoi, pakiso na ɲadekongole, Waomɲo rake.

¹⁰ Iwa yemo siwa siwap me tako rakot na baɲ Israel magu eɲerop okanikale, Waomɲo ramaike, ‘Na baɲ ra rokop donne yewa wet derereteno qewe payake.’ Na baɲ eɲane Anutu okangale, paki eɲe baɲ naɲane ɲei ɲerep magu okangei.

¹¹ Eɲano ɲine ɲei weku weku maneo ɲei kimaine miti mi kito maniake, me matino ɲine ɲei mane mi olale rayake, ‘Waom detkanom,’ yale mida, eɲe baɲ koropɲo naso yewao na det nangei, paki ɲei ketkele, ea ɲine ariki weti ɲei ɲetne suaino eɲano qoeake.

¹² Na wet maep okanonbe so sot turuɲene ea baɲ qelige ebongale, so borikineene ea dere qewolowane paki, koso ea wan mi desikale, Waomɲo ramaike.”

¹³ Pakimo, siwa siwap musele me tako rakot, ea wane raki paki, Anutu eɲe siwa siwap alakan wane ea maki sogine okange, paki yeye mane sogine me sele okaniake so toe barakeake, ea

yemo ban yeine siuke midaleleake.

9

Kepeo Njine Bakom Kito Kito So Qeliwojine Bakom Kito Kito

¹ Siwa siwap me tako rakot sogino alakan Anutu bakom me enjet meje mejen wane ra rokop donine pake, so nejno bakom so enjet meje mejen urum seliño mamaine, mat kobekine, ea wenen kepo iwa mo pake.

² Bakom urum mane seliño makoi, solainoken kotine mane qei kaitko, ea wane enjetne Urum Kobekine so Sigeine orakoi, ea wane kotino yewa yemo kiwa, wane ekiine so zake, so beret Anutu wane bihek qe man okangoi, ea anutu wane kaitko me deino metke, ea wane enjetine, 'Urum Kobekine so Sigeine Togogole.'

³ Lap lap suaineno sen keune etkeo rasikeu okorake, ea wane njadino kotine mane yemo lap lap maneno kitatki, urumine wenen okange, ea wane enjetne Urum Kobekine, Sigeine Togogole so Koboboine.

⁴ Ea wane kotino arata golno mamaine ki-wakeu lawe kopuine qounerop okaniakane, so siwa siwapko katapa mane, korop gol njoka kawet kawarekoi, ea metke. Katapa, ea wane kotino gol lase mane so qeli wane njara wenen kotino motpi metke, so Aron wane qesi mane sotne qemore metine motke, ea so wesi katapa etke, Mose wane ra rokop don qeqine ea wenen metke.

⁵ Katapa ea wane kutno yemo anjelo etke ere Anutu wane Kibi maepine ea ma more qin gim etne maputulakeuk sot turun mataliu siu siuk so

Anutu yewa enjane met met ea sikanone some pake. Siluŋ iwa yemo ea wane kine maine korop mi rawarekale.

⁶ Eje yeye kine kine yalewa ma warekoi, paki pris enje kaiwe banjem urum solaine yewao wawa ketket okane more, seli urum yewa urataene ma Waom mejenka okane gekoi.

⁷ No Seli Urum kotine mane kobekine so sigegeine, ea wane kotino, ea yemo Pris Wawaine weku onjomka koma mane wane kotino atak weku waket gegike, enje wenjem wenenj ma waket more, enjine borikine me nej nrep enjane borikine detpi paki mamaŋkoi, me borikine mi dereret ma okan gekoi, ea wane Anutuŋo sotene saukeyakane qak okane geke.

⁸ Asu Koboboine onjo yeye kine kine iwa ma warekoi, ea wane didiwo iwa yale sikan nonmaike, seli kise solaine enje urataine i ma met kika, Urum Kobekine, Sigeine Togogole so Koboine eao wake waket ea wane numa, ea mi qoe ananje,

⁹ Bakom Urum seliŋo mamaine, eamo ukude naso iwa gemaine, ea wane onja onjaine, ea wane kine yemo iwa yale, yeye kine kine Anutu man man so osomŋo soe soep mire Anutu bakom okanka okanka eaŋo nej bakom okanmaike, enjane kotine maki libe mi qe okanmaike. Midakaka!

¹⁰ Eje bakom iwa yaline okane gekoi, ea yemo enje nara doku waneka, so sola sau sauk ea wane batka okangoi. Iwa yemo korop sola wane ra rokop numa tanikka okanmaike, ea okane ge ari mageu, njado ban naso bomileki, Anutuŋo yeye

kine kine ea korop ma koboe wareakane motke.

*Kristo Eņine Weņemineņo Gege Togon Geke-
nane Qaki Saukņonge*

¹¹ No ukude yemo mo Kristo oņo Pris Suaine sogine gekoi, ea yuanonge, yemo mo yeye kine kine maine ma wakonge, ea wane Pris Wawaine okane sarike, seli kise ea eņe kotino ge urata mamaike, ea yemo kakapa suaine so zok libe qotqole, ea yemo ņei meteņo mamaine yalewa midakaka! Kepe iwa ma wakonge, ea wane nat paromino mi pamaike.

¹² So Kristo eņe Pris suaine sogine gekoi, ea yuanonge, eņe noniņ me bulamakau weņemineņo atakine atakine Seli Kobek Urum Sigeine Togogole qeliwo mi ma waketke, midakaka, eņe eņine weņem, eaņo atak weku Bakom Urungo ma waketki, eaņo ņene gege togon gekenane qoleņonge.

¹³ Noniņ so bulamakau ņei labe labe eņane weņemene, so bulamakau medeune gerepko motpi ze osi osine, ea wane qoune ea weneņ qeturageu paki, qakeu ņei diene weneņ gekoi, ea tauonge. Eņe yaleoken okanbi paki, solaenaneka borikine ea oma ongoi.

¹⁴ No Kristo wane weņemine eaņo yemo zok manerop saukņonge, ea yemo welekatne! Gege togon Asu oņo nabok okankaki, koto so solaine koropka Anutu wane soe soep bakom ewe zonom, Kristo eņe oņomka sunka mange. Eņane weņemineņo baņ ņenane kotozo urata kepe ņeiņo mi mamaine maki di borikine pa wareke, ea korop saukki ket wareake, ea wane ņene maine

Anutu gegeinerop enjane urata ma more qelitrine qekene.

Kristo Wenjeminjo Yeye Kine Kine Kiare Nebonge

¹⁵ Kine ea wane Kristo enje enjine wenjeminjo njebuki, njene qelanangone, pakimo onjom keuo okoraki paki, siwa siwap so tako rakot musele, ea ma togolemaiike, pakimo, enje siwa siwap me tako rakot sogino okora more, borikine makoi, ea mataliki siukwareke, yalinane nei njerep enje Anutu wane anjaine teweke modat kaikei, pakimo, Anutu enje sogine gege maikei wane ra binjek qeke, ea mau paki, enjine njerep medep wele okangoi, so Anutujo gege togon, gege wane mosop binjek qe ebonge, ea maine maikei, so enje gege togon ge arieki.

¹⁶ Mete zamot wane numa yemo iwa yale, nei mane enje wetkemaik, na seukewe, nanane kine kine yewa manjo welaine okaniake, enje yale ra more, enje nei manerop mo rara togon donne papiao mauk kiyake. Medepjo don ea mogare more, magak wane abonj ea welaine okaniake, paki magak seukki, nei enje magak mo seukke, ea dere qelanjanbi rokop, enje magak wane mete zamot ea maine mayake,

¹⁷ neiwa abonj welaine ea seukki, rara togon don ea wele okaniake, no nei yewa rara togon don rake, enje mi seukke more, wisika geki, rara togon donine wele midaine okaniake.

¹⁸ Kine ea wane siwa siwap so tako rakot sogine mikepka pake, yewao enje osom qe more wenjimine ea rara togon don yewa qakka okangoi,

yemo eaŋo maki togoleakane pakimo, eaŋo wele okange.

¹⁹ Mikepka, yemo Mose eŋe ra rokop dongo don numa motmole pamaike, ea wane kopko korop ŋei ŋerep ra qelaŋane edanwareke. Paki ŋado eŋe bulamakau medeune so noniŋ weŋemine so lama zoune weŋe weŋem, eaŋo dokurop liwage more, qe muruŋgi paki, ra rokop don wane buk so ŋei ŋerep weneŋ korop zipanon wareke.

²⁰ Paki eŋe edane rake, “Iwa yemo weŋem, eaŋo siwa siwap so tako rakot. Anutuŋo teweke magekei wane ra ŋidange ea matogole kamaike.”

²¹ Kop weku yewaka, Mose eŋe yaleka weŋem yewa Seli Bakom Urum kutno so bakom kito kito wane yeye kine kineine natne ea eŋane kuteno weneŋ korop zipanon wareke.

²² Welekatne, ra rokop donŋo rake, ea wane kopka yeye kine kine korop weŋemŋo maki libe qewareke, paki weŋem zipanbi tauone okange, yewaoka weku borikinane turuŋ qeliŋgi siuke ebon maŋke. Ŋo weŋem mi zipanbi tauonge, yewao yemo sotene mi qeliŋgeu siuke ebon maŋke.

Kristo Wane Solaino Mo Soe Soep Yale Anutu Wane Bakom Okankake Paki Eŋe Turuŋze Qeligeake.

²³ Masi kine kine iwa yemo wele weti qeliwo pamaike, ea wane oŋa oŋaine iwa weŋem yauwinoŋo yaleoken okane saukeyu paki libe qekoi. Ŋo qeliwo ŋine kine kine ea oŋomka yemo bakom zok manerop lewine suaine mayakakatne, kepeo ŋine ea wane kop mida.

24 Kristo eje Urum Kobekine so Sigeine mane ñeiño oña oñaine makoi, yewao mi ari waketke, midakaka, eje qeli eñine kotino koboboine waketke, eje ea ge more, ñenane raki paki, Waom wane kaitko eje bakom urata ñenane ra mage-maike.

25 Koma bañem Yuda ñei Pris Wawaine eje Urum Kobekine me Sigeine, yewao osom weñeminerop ma ari naso bañem waketmañke, weñem ea mo eñine weñemine midakaka, ño Kristoño yemo yale mi okange, eje qeli kotino Magainane kaitko, oñom eñine weñemine so solaineño soe soep okange, so eje atak loutne mida, eje atak weku okange.

26 Kristo eje yale okange ra, yemo eje Anutuño kepe ma wakonge, yewao ñineka kieke atakine atakine wikile zok manerop dere sari mageki, ukude naso iwa gemaine, ea wenen okangirap. Eje yale okaniake, yalemo eje atak loutne ea korop qepotke mage atak weku okangi qoeke. Naso mo korop qoeakane bomileki mo, Kristo eje sotzane turujine qepotke more mataliki siukeakane, solaine Anutu sunka mangi, sotze ea matalike suikke.

27 Ñene ñeiñoka atak weku seukkene, pakimo ea wane ñadino yemo Anutuño kineze ma wako-ñiake.

28 Kristo eje yaleka ñei loutne eñane sotene kauke more atak weku solaine Anutu sunka mange. Eje atak mane bañ koso wakoniake, ea yemo borikine mataliki siukkeakane mida, ea yemo ñeiwa eje tomaka ge sarimami, eje ebuyakaneka koso wakonlukeake.

10

Ra Rokop Don Wane Kopko Bakom Urata Metejo Mamaine Eamo Sinoine

¹ Yuda nei enjane ra rokop don numa eajo wat watko so eamo ruwitneka, eajo maine kine kine welekatne mida. Eajo kine kine wele ea wane onjaine koboboine zok mi okanmaiike, ra rokop donjo yemo ramaiike. Eje soe soepjo bakom oka okan weku yewaka komaine komaine okane gekei. Yalinane mo ra rokop don numajo nei njerep makoboe ongi, bakom meje menjengo maine mi sarikoi, so ra rokop donjo maine ebu maulukongi, menage libe mi qekoi, ea midakaka!

² Nei njerep Anutu bakomine kitokoi, eajo welekatne borikineeno njine ebuki maine mo menangoi ra, yemo eje koso bakom soe soep mane mi okanbi rap, yemo ene mo atakine weku sarikoi me okangoi, yewjo ebuki qelajanbi rap, so ene kotoeno borikine, ea koso mi wetkeu rap.

³ Ea yale wa mo midakaka, eje soe soepjo bakom oka okan, ea wane qelitine qeu, eajo borikine enane wetene ea qelotkeki komaine komaine wetke okanmanjoi.

⁴ Bulamakau nei labe labe so nonij wenjemine, eajo borikine maine mi mataliki siukeake.

⁵ Kine ea wane Kristono kepeo sari lotkeakane okane more Anutu olalerake,

“Ge soepjo bakom so kine kine gin gin, ea wane mi ganmaiike, no ge mo sola mane na ninikenane maulukkone.

⁶ Ge osom korop arata kutno zeze ea wane me soe soep bakomņo borikine mataliki siu siuk ea wane mi simile ganmaiķe.

⁷ Pakiso na iwa yale olale rakole, ‘Na iwa, Anutu, ge onokaka wane ganmaiķe, ea ranom na okanikale.’ Yemo ra rokop don papiao, nanņane don qekoi, ea wane kop, geņane simile mogasikale.”

⁸ Eņe alakan weti kutno ramaiķe, “Ge soe soep bakom, so kine kine gin gin, me osom arata kutno motpi zeze, so borikine mataliki siukeakane soepņo bakom oka okan, ea wane mi simile ganmaiķe.” Soepņo mire bakom oka okan so man man iwa korop ea yemo ra rokop don Numa eaņo ramaiķe, ea wane rokop okangoi, ņo eņe siluņ koso don iwa rake.

⁹ Pakiso eņe koso rake, “Anutu, na iwa mo sari-maile, maine geņane simile mogasikale so kine kine mane okanikalane ranom, na okanikale.” Rakiso, Anutu eņe soepņo mire bakom oka okan sogine ea korop mapapkaki ariwareķe. Paki eņane tungo Kristoņo soe soep bakom okani-akane birakake.

¹⁰ Pakiso Yesu Kristo eņe Anutuņo simileine daleo okaniakane wetķe mange, ea wane rokop okange. Eņe eņine solaineņo soe soep bakom atakine atakine oka okan ea korop qeturage more atak weku okange. Paki eaņo ņebuki, ņene borikino ņine korop qelaņane more koboe wareķone.

Yesuņo Borikine Midayakane Bakom Wele Make

¹¹ Yuda Pris eņe okorau paki, soe soep mire eaņo bakom oka okan ea wane qelitine qe kaiwe

banjem bakom wekuka atakine atakine okan okanmami. No siluŋ soepŋo bakom oka okan eaŋo borikine maine mi mataliki siukeake.

¹² Kristoŋo yemo borikinane bakom atak weku okangi qoeke, eaŋo yemo weku mane naso banjem papa togon pa ariake, paki eŋe Anutu wane zonom mama, ea wane woninoken pese ket metke.

¹³ Yewao eŋe ukude iwa yemo Anutuŋo eŋane ŋabakoune eŋe kinane bano biraongi, wakesikei wane toma gemaik.

¹⁴ Bakom atak weku okange, eaŋo yemo ŋei ŋerep borikino ŋine ebuki libe qe warekoi, wane eŋe naso banjem sot midaine maineka ge arieki.

¹⁵ Asu Koboboine eŋe yale waka ea wane don ra qelajan ŋonmaike, so iwa yale ramaik, mikip don iwa yale pamaik, Waomŋo ramaik,

¹⁶ “Iwa yemo siwa siwap so tako rakot musele na ban eŋerop okangale, yemo iwa yale, na ra rokop don numane ban wet derereten qewe payake.”

¹⁷ Paki eŋe koso iwa yale takotke ramaik, “Na eŋane borikineene so masi tanikene qotkoine, ea wane naso kiroine ban koso mi wetke gekale.”

¹⁸ Eso borikine iwa korop mataliki siukwareki, soe soep bakom eaŋo borikine maki mida mida eamo mida leleake, koso mi okangei.

Nene Detluke More Anutu Osino Ariŋem

¹⁹ Kimakop, ŋene Yesu seuki, wenemineŋo gekok ŋongane, ŋene Qeli Wane Urum Kobekine so Sigeine Togogole eao ŋene kaet mi okane more maine wakesikene.

²⁰ Nene mat ea wane kotino numa musele gegeinerop, ea maine ari waketkene, numa eamo Yesu onjom lalange, eje lap lap suaine, ea madet yale dewo rasikeu ket okorake, ea ari yuane waketke, lap lap yewa yemo enjine solaine.

²¹ Nene Pris Lewetze Suaine, eje Anutu wan nej nrep magu so urumine ware gemaik.

²² Eje wenjemenjo kotozo qakke paki, njene borikineze ea detkanjem, mo eje wetze sauke more, qotkoineze ea maki masakange, pakimo doku libe libe momoine teinenjo qelinjem ariki, njene Anutu weku malip kaikene, so enjine osino okorakene.

²³ Nene mali malipze ea ra qelanjane more, maine toma kakenane, so eaka togogole malilip kaikene, njene misuk peleke qelinjene, onoka wane njene Anutu maine detlukka more, kine kine binjek qe njebonge, ea togogoleka wareka gekene. Waom eje kine mo mayakane rake, ea ban mayake

²⁴ Nene kimakopze enjane wenenj dere njedomka ware nagu more, qesi qesinj okan nagu more, qebin mabin okanonjem paki, kima natne enjane simile dere wet maep so masi tanik manik maine oka okan ea sikan onikene.

²⁵ Nene kimakopze enjerop wekuoka qeturage lewa lewanje ea misuk qelinjene, nej natne edo okanmami yale misuk okanikene, mida, ea okanikene, yalemo njene njedomka ma togole qe togole nagu more, korop kima natne enjerop wenenj manerop okan nagukene. Njine mo kamami, Waom sari lotkeakane, Kaiwe Naso mo bomile sari maike.

Borikine Dere Eweke Mama Wane Don

²⁶ Nene Kristo wane don wele eaŋo kotozo mo ma qelaŋangi detlukmaine, paki ŋado dere ewekŋem paki, ŋenze similezane borikine koso takotke ma arikeneo, baŋ ŋado maŋo koso saukŋoniake, me maŋo sau sauk wane soe soep ma wakoniake paki, eaŋo saukŋongi qelaŋangene, yemo midakaka.

²⁷ Nene suaine baŋ sariakane detŋem paki kaetŋongi, nasoo don urata mane wakoniakane toma gekene. Kine mawakon mawakon so gerep qotkoine eaŋo baŋ Anutu ŋabaka okanmami, ŋei yewa ezoki siukwarekei!

²⁸ Nei mane Mose wane ra rokop don Numa ea qeki, ŋei etke me kareweŋo kau paki kineine rawakonbi sotkorop okanmaike, eŋe ŋei yewa wane wetene boriki mi sesekakei, midakaka, eŋe yeine qeu seukeake.

²⁹ No ŋei mane eŋe Anutu Gipole maket biraka more ŋadekkayake, ŋine ŋei yewa eŋane daleo detkamami? Nei yewa eŋe baŋ umat kakapa suaine zok manerop wakon kayake, eŋe mo Yesu wane weŋemŋo ma togolekaki, siwa siwap me tako rakot museleo waketke, so eaŋo eŋe Anutu wane ŋei koboboine okange. No ukude naso iwao mo detki weŋem ea mo ketkele okangi, Wet Maep Asu, ea matali qetali okan kamaiké!

³⁰ Nene mo detmaine ŋei yewa eŋe rake, “Na baŋ sot ea wane turuŋ makokkale, na baŋ lewine qotkoine mangale.” So eŋe yaleka koso rake, “Waom eŋe baŋ ŋei ŋerewekoune eŋane kineene don urata ma more ma wakoniake.”

³¹ Anutu, Gege Togon Welaine, eŋane metino

wa more umat maikene, ea yemo zok umatne so kaetinerop!

Miti Ma Qeliŋ Misuk Okangene

³² Alakan ŋine daleo gekoi ea wetkekei. Kaiwe naso yewa Anutu wane kiwaŋo ŋine ma qelaŋan ŋunge, ea wane ŋadino ŋei eŋe ŋine wikile kine kine loutne okanŋunbi wakonŋunge, ŋo siluŋ eaŋo mi ŋibu ket biraŋunge, ŋine togolekoi.

³³ ŋine naso natno lewa lewago ŋei ŋerep eŋane kaitko biraŋune more don borikine ŋidangoi, so matali qetali okanŋungoi, so naso natno yemo ŋine ŋei ŋerep natne numa tanik yaline okanon-goi, eŋano takotke more ŋine eŋe qesiŋ ongoi.

³⁴ ŋine ŋei ŋerep mulap urumgo biraongoi, eŋane wet borik weneŋ det okangoi, so ŋei eŋe ŋinane wesi aboŋ kine kine ŋine omaŋunbi, ŋine wet peseko bakom kito qeliŋonbi makoi. Onoka wane ŋine iwa yale detkoi. ŋine yeye kine kine ŋine mai maine ea pa ŋibonge, ea yemo mi mida midaine, eŋe baŋ papa togon pa ariake.

³⁵ Ea wane ŋine wet mali malipŋine misuk qoro-rogeake, midakaka, onoka wane eaŋo gemage baŋ tebakaki lewine suaine sariki, maikoi.

³⁶ Ea wane ŋine togole togole maratka more Anutu wane donka mogare gekei, paki kine kine biŋek qe ŋibonge, ea wane wele maikoi.

³⁷ Ea yemo welekatne, Anutu wane papiyaŋo iwa yale ramaike,

“Nasomde bamgoka qoeake, paki mo ŋei maŋo sariakane raraine, eŋe sariake so eŋe mi tomayake.

³⁸ Nanane nei njerewekopne mali malip wenen koboboine, eje ban detlukkau paki, gege togon maratkaiki, no enano nje manejo kaet ariakeo, yemo na ban detpe enane mi menageake.”

³⁹ Nene zinge kaet ari ari wane nei njeune midaka. Nene yale okanikenane turuine yemo, nene mali malip magekene paki, ona onaze menageake.

11

Mali Malip Wane Kine

¹ Mali malip wane kine yemo iwa yale, wetzeno yeye mane wele maratkenane detlukka ma gotke, Waomno neboniakane tomaka gemaine, kine kine natne dezeno mi kamaine wetzenoka malipka magemaine eno mali malip okanmaike.

² Anutu wane nei sogine eje mali malipene yaline earop geu, Anutuno ongi menangi rake, “Enane tanik manikene, ea mo maine.”

³ So mali malip enoka raki, nene detlukka-mainene, yemo Anutu wane donjo qeli so kepe ma wakon otke, eso yeye kine kine deno maine kakaine didiwo iwa pamaike, yemo mi kakaine, ea nje maki korop wakon warekoi.

Abel, Enok So Noa

⁴ Mali malipno rake, Abel eje soe soep bakom maine wekumane, Kain wane rokop ea yuanka more Anutu okankake. Abel eje mali malipinane ra more, Anutuno kaki menangi, nei koboboine orake. Onoka wane, Anutu onom kaki sot midaine okangi, bakom okankake, ea maki paki kineine mawakonge. Abel eje mo seukke, no

siluŋ eŋe mali malip korop gekane eŋane don so mali malipineŋo ra wakon ŋedanmaike.

⁵ Enok eŋe mali malipine, eaŋo warekaki mi seukke, seukeakane turuŋine yemo eŋe qeliwo Anutu wano mali malipineŋo mawake, pakiso, ŋei natne edo pareŋine mi maratkakoi, onoka wane, Anutuŋo eŋe qeliwo mawake, Anutu wane papiao ramaike, yemo Enok eŋe kepeo gegeine maine geki, Anutuŋo kaki menaŋgi, eŋe ŋado qeliwo mawake.

⁶ Ŋei mane eŋe Waom mi malipkayake, ŋo Anutu wano simile ea maine mi mogasiake, onoka wane, ŋo ŋei mane eŋe Waom wane osino ariwe ra so, ŋei yewa eŋe siluŋ Waom malipka geake, so eŋe baŋ Waomŋo ŋei natne eŋerop eŋe zuaŋka gemami, ea wane kine kine lewine wawaine manerop okanoniake.

⁷ Noa eŋe mali malipinerop geke, ea wane Anutuŋo masi tanik ŋado wakoniake, Noa eŋe mi kake, ea wane girem don olatki eŋe donine detlukke. Eŋe Anutu aŋaine tewekki paki, seki mane make, yewao eŋine so ŋanom dokoine wau paki waetne gekoi, so eŋe mi mida lelekoi, eŋe yale okangi paki, kepe baŋem ŋei ŋerep borikinane turuŋine Anutuŋo ebo ebon, ea wane kine ma wakonge. Paki Noaŋo Anutu malipkaki, Anutu eŋe ŋei koboboine orake, so yale waka Anutu eŋe ŋei koropŋo mali malip korop okanbi, eŋe yale okan oniake paki, eŋe gege wane biŋek okange.

Abraham

⁸ Abraham eṅe Anutu detlukka malipkake, ea wane Anutuṅo eṅe orake, paki eṅe Anutu aṅaine teweke more kepe mane maniakane biṅek qe mange ea arike, so Abraham eṅe na diao arikale, ea mi dere, yaup arike, so eṅe eṅine kepe mat qelige mi dereret naṅenka don eweke, kepe mat mane kuneṅino arike.

⁹ Eṅe mali malipinane Anutuṅo kepe mat biṅek qe mange, eao eṅe siluṅ kepe maneo ari lobo geke. Eṅe seli kiseo Isak so Yakop, so Yakop eṅine gipoletkine weneṅ kepe weku yewaka Anutuṅo biṅek qe ebonge, yewao gekoi.

¹⁰ Abraham eṅe mat suaine mane Yerusalem musele bosin kine kineine togogole eaṅo mot-mole, Anutu oṅomka wetke wareki paki make, eṅe ea wane tomaka geke.

¹¹ So Sara eṅe yaleka mali malipinerop ge more, Anutu malipkake, medep mama wane rokop mi okane qaton gemage, sele borikine okange, ṅo eṅe mali malip weneṅ okange, ea wane eṅe zonom gorop okane medep mama wane rokop okange, so Sara eṅe iwa yale detke, Waom eṅe rara togon don mo rake, na baṅ medep mane maikale. Waom eṅe don welek ra okanmaike.

¹² Ea wane eṅe ṅei weku sele borikine okane mo seukeakane okange, ṅei weku iwa eṅano ṅine yemo ṅosa wili wili koune magu suaine qeliwo serekin metmami, eṅane rokop, so kiwet rasumaikeo qalak mi daporapotne zok loutne pamaike, ea wane rokop wakongoi.

¹³ ṅei iwa edo mali malip korop gemage seuk warekoi, yeye kine kine biṅek qe ebonge, ea wane wele mi marat kakoi, eṅe eri aman paki wele

mi kau paki, yaup batneka okangoi, paki rakoi, “Nene kepeo yaup lobo so kulit gemaine, nene iwa nasomde nigatneka yaup sari gemaine.”

¹⁴ Nēiwa don iwa rakoi, eamo nene kine iwa yale detmaine, eje ennene kepe matene mane ennene bonepene maratkekei wane wetke more rakoi.

¹⁵ Eje kepe matene qelige arikoi, ea yemo wetno malipkakoi, eje maineka zinge arikei wa numaine mo maine pake, eje maine kepe nateeno qelige koso ariu rap,

¹⁶ eje yale mi okangoi, midakaka, yale okangei wane turuḡine yemo, eje wet mali malipeneḡo kepe mat mayakatne mane iwa wane rokop mida, ea marat kaikei wane onge, ea yemo qeli mat. Ea wane Anutu eḡe nēi ea edo nenane Anutuze rau, eḡe mi gamukayake, onoka wane eḡe mat suaine mane nēi yaline eḡane mo mauluke ebonge.

¹⁷ Abraham eḡe mali malip korop geke, ea wane eḡe Anutuḡo liwekkake, naso yewao eḡe soep bakom wane gipole Isak qeki paki mire Anutu bakom okan kayakane okange. Abraham weku eḡano Anutuḡo rara togon donine olatke, ḡo siluḡ eḡe gipole wekuku ea mi ma walukka more soep yale qe Anutu bakom okan kayakane okange.

¹⁸ Anutu eḡe Abraham biḡek don iwa yale olale rake, “Isaka wano nene geḡane ḡosa wili wilikopḡone wakone arikei.”

¹⁹ Abraham eḡe mo detlukke, yemo Anutuḡo Isak seu seuḡine maine ma wirikkaki wieakane zonom pa manmaike. Eso ea wane nene don rokop mane iwa yale raikene, Abraham eḡe Isak

mo seu seu oņine koso Anutuņo mainka mange.

Isak, Yakop So Yosep

²⁰ Isak eņe mali malipineņo raki, Yakop so Esau mosop otke, paki kine kine ņado wakoniake, ea wane don weneņ etange.

²¹ Yakop eņe mali malipineņo raki eņe mo seukeakane okaneso, Yosep gipoletkine Manase so Epraim mosop otke, paki eņe qesiinane kutno qesiņnagu kere pore more Anutu bakomine kito mawakake.

²² Yosep eņe mali malipineņo raki, eņe mo seukeakane nasoine bomileki, Israel eņe gemage, Ezipt kepe qelige arikei wane edange, so arikei wane okane, setine weneņ ma arikei wane edane maulukke.

Mose

²³ Mose wakongi naga magaine ere mali malipetneņo raki, ere meso karewe motkauk siuke pake. Ere kauk eņe medep wekumane okange, paki ere ņei Waom Paraowane ra rokop don ņadeke yuangoik, ea wane mi kaetotke.

²⁴ Mose eņe mali malipineņo raki, eņe suake naso yewao eņe ņei Waom, Parao borasinane gipole orakei wane rau, walukke.

²⁵ Eņe Anutu wane ņei ņerep magu eņerop wikile maratkayakane eweke wakonge. ņo eņe borikinane simile nasomde bamgoka dere magege, ea wane yemo sakoekake.

²⁶ Eņe detke, yemo Mesia wane ra more wikile dereret, ea wane lewine eaņo yemo zok manerop wawaine, eaņo Ezipt wane wesi aboņ kine kine korop ea yuanka waremaike. Onoka wane eņe

deine warekaki ṅado Anutuṅo turuṅine lewine wawaine qolekayake eaoka pake.

²⁷ Mose eṅe mali malipineṅo raki, Ezipt kepe qelige, eṅe ṅei Waom sot osi osiinane mane mi kaetkake, eṅe mi koso zinge Ezipt kepeo arike, eṅe Anutu deṅo mi kakaine, eṅe ka more togoleke.

²⁸ Mose eṅe mali malipineṅo raki, Israel ṅei edangi lama qe more weṅemineṅo mat madet baṅem qeden warekoi, ea wane Seu Seu Wane Aṅeloṅo Israel eṅane gipolekopene koma lewine alakan wako wakone mane mi enguke.

²⁹ Israel eṅe mali malipeneṅo qesiṅongi, eṅe Kiwet Takitne yewa toe kepe togole yale paki, eṅe yuane wawarekoi. Pakiso Ezipt ṅei eṅe yaleka yuane wakene rauso, kiwetṅo tepke sari ma qorok ongi midawarekoi.

³⁰ Israel eṅe mali malipeneṅo raki, eṅe Yeriko matko wesi sen togogole, ea lolike ari sari okane metpi, kaiwe sewen okangiso, quluge ket gili gala arike.

³¹ Wenip ṅerep Rahab eṅe sogino geke, eṅe mali malipineṅo raki, Anutu aṅaine birakoi, ṅei yewa engu more eṅe weneṅ mi qekoi, onoka wane eṅe ṅei kepe mat kakeik wane arikoik, ere kima okan ore more, biraotki sen ṅadino ket arikoik, ea wane sesekakoi.

Mali Malip ṅei Natne Eṅane Don

³² Na koso mane onoka wane rakale? Naso mane mi pamaikane Gideon, Barak, Samson, Yepta, Dawit, Samuel so propet natne eṅane don mi rawarekale.

³³ Neiwa ene mali malipenerop gekoi wane, eanjo raki ene mat korop enjerop kawali qeu paki yuanon warekoi. Ene masi koboboine okangoi, paki Anutuŋo kine kine binjek qe ebonge, ea makoi. Ene osom zubaine laion enane anane ma wongekoi.

³⁴ Ene gerep lun bolamine ma pilikkoi, ene pilanjo engukeiwane okanbi yuanongoi. Ene pelekkoi, ŋo koso silun togolekoi, ene kawaliwo togogolekoi, paki mat natno ŋine enane kawali ŋei engu esop onwarekoi.

³⁵ Mali malipenane ra more, ŋerep gipolekopene seukeu, koso ebuki wisikae wie gemaŋkoi.

Natne, ene Waom ŋadekka ari sola pesek gekei rau walukkoi, ene wikile ebone sulu kine kine okan onbi seukkoi, ea yemo ŋado ma wirikongi wieu paki gege togon marat kaikei wane yale okangoi.

³⁶ Ŋei natne ewe mabaik okan ongoi, paki kumunamŋo dimeongoi, so natne kie mete ene mulapŋo wokom one more mulap urumgo bi-raongoi.

³⁷ Ene wesinjo kito pelek ongoi, ene solaene segenjo keuoka qepokeu, etke lelekoi, pilanjo ebeene kitatkoi. Ene lama me noninjo solainenjo kawetnagu more lolike gemageu abonen midaine okangoi, wikile ebongoi, so masi worik okanongoi.

³⁸ Nei mali malipenerop ene kepe ŋei wane masi tanik yuan onbi paki, ea wane kepe ŋeinjo kima maine mi okanongoi! Wane ene lobo yale

kepe yaup papaino so meŋoino numaka numaka gekoi, kem koto so kepe aŋauno waket gekoi.

³⁹ Nei ɲerep iwa korop eɲe mali malipeneɲo kibi maep maine yuangoi, so eɲet suaine Waom wane kaitko makoi! No eɲe siluɲ Anutuɲo kine kine biɲek qe ebonge, ea yemo mi marat kakoi.

⁴⁰ Onoka wane, Anutu eɲe ɲenane kine kine maine mane mosiakane detki pake. Anutu wane kine yemo eɲe ɲei ɲerep mali malip korop gekoi, eɲe ɲenerop weneɲ orodoɲ ɲebuki menaɲgenane wetkeke.

12

Yesu Malipkaikene So Eɲe Potluke Ka More Eɲano Kito Togole More Gekene

¹ Pakimo ɲene wamo daleo? ɲene yemo ɲei ɲerep magu kakapa suaine mali malip korop sogino gekoi, iwa deo kezoɲ yale lolikɲonbi paki Waom malipka lukkamami, wane ɲene yeye kine kine ɲebu umare ɲonmaike, ea kito qok warekene, so borikineɲo togogole makatatak ɲonmaike, ea kitat warekene paki, ɲene numa mo Anutuɲo sikanɲonge pamaike, eaka togole biririkka arikene.

² ɲene deze pore Yesu mali malip wane ɲetne mama so mali malip wane wele ma wakon ma wakon, eɲe weku kalilip kaikane. Ono mo detɲonmaike, mane eɲe Anutu wane don wele mogasiake, ɲo baɲ met met maine mesiake so eɲe oi bakom wakon kayakane raraine, ea wane ɲene yalewa detɲem paki, wikile dere kibeɲ qabeɲ weneɲ seukkene. Nei ɲerep natneɲo ramami, kibeɲ qabego seu seuk, eamo ɲei borikineɲo so

eņe gamu gamune, ņo Yesu eņe kibeņ qabego wikile dere seu seuk so gamu kutno wawa, ea wane dere ewekke paki, ea wane eņe Anutu eņine zonom mama wane met metko wane woninoken ea metmaiķe.

Anutu Eņe Makoboņoniakane Wikile Nebon Okanmaiķe

³ ņine detlukķei, borikine mama ņei eņe sogino Yesu sulu kine kine zok manerop qaisikka more, okankau, eņe ea wane kotino waket togole okorake, eņe mane mi pelekķe, ņine ea wane kotino waketķei paki, ņine mi peleķe more togogleķa okorakei, eso ea detpi paki takeleu, wetņine misuk qorodogeake so qiseķei!

⁴ ņine borikine ņabakau paki, kawali qe ari mage, weti qoi qoino makoke seukeu wenemņine mi qakķe.

⁵ ņine Anutuņo eņine gipolekoune yale naņ ņingu more don ņidange, eao qeligeu nigetņunge me? Don iwa yale, eņe eņine gipolekoune ņidorake, so don iwa yale rake,

“Nae Giponne, dere metnom Waom eņe ge geku makoboe gangi detnom ketķele misuk okaniake, so detnom, eaņo kine kine yauwine yale mi okaniake, so dere umat okan lukķene.

⁶ Onoka wane, Waom eņe ņei mane wane simile kaki, eņe ma koboe kayake, so mane wane giponne raki paki, eņe yale waka weneņ ma koboe kamaiķe.”

⁷ Magaņineņo maine detkau ņingu ma koboe ņuniake paki, wetņine misuk qororogeake. Onoka wane, ņinane wikile eaņo mo kine sikan

ņunmaike, yemo Anutu eņe gipolekopne raki paki yale okan ņunmaike. Ma medep mane magainęo mi ma koboekeke?

⁸ ņine Anutuņo mi ma koboeņungi, eņine gipolekoune korop gemami eņane kop mi okangeiwo, yemo ņine eņane gipolekoune welekatne mida, ņine korop kobu medep okanikei.

⁹ ņene magakopze kepeo ņine edo ņengu makoboe okanņonbi, ņene ea wane eņe eweene kitomaņkene. Wane iwa yemo ņene Asu eņane Magak ewine manerop kitoņem menageake, so geulukkene, so ņene eņane ruwitko waket more gege maratkaikene!

¹⁰ Magakopze kepeoņine eņe nasomde bamgoka ņengu makoboe okanņon okanmami paki, ņene eņane bango geņem, ea kau maine okan okanmaike. No Anutuņo okanņonmaike, yemo ņenze menaņgenane, paki ņene eņerop gege koboboine eņane numao maine gekenane.

¹¹ ņene ņengu makoboe ņonmami, naso yewa yemo ņene detņem mo wet borik korop okanmaike, wet peserop mi okanmaike, midakaka, ņene mikepka yemo qom borik so det worik okanmaine. Wane ņado baņ tanik manikze so gegeze koboeake, naso eao yemo turuņine peamgo koboboine gege, ea maratkaikene.

Togogle More Kito Qesij Okan Nagukene

¹² Ea wane ņine mete kabirimņine qoiqoine, ea ma wieu paki, urata togole maikei, wawetņine setne midaine, me mo seu seune ea bira togolekei, yale okane more siluņ ņine maine wie togole okorakei! Paki urata korop maine mawarekei.

13 Numa kobosiŋ siŋine, eaoka tako rakot kie ŋinenjo gesoke arikei, yale okanbi, kie wawet ŋine seu seune, ea mane mi takotke boriake, siluŋ maine menageake.

14 Ŋei korop eŋerop peamgo gekei wane urataine maikei, so gege mage koboine gekei wane togole more gekei, onoka wane yewa midaine gekeiwo yem ŋei manenjo Waom ban maine mi kayake.

15 Ŋinano ŋine manenjo Anutu wane dangunut ea kakakka more zinge ariakane ŋine diam seleleine maikei. Ŋinano ŋine manenjo eki qotkoine zom abot yale sua wa more ŋei loutne mi ezo matali oniakane so ŋei loutne panaman ma wakon oniakane, diam seleleine maikei.

16 Ŋinano ŋine manenjo bailalan gorop, so ewe kito kitoine midaine, Anutu ŋadekka Esau yale mi okaniakane kaulukkei! Eŋe ŋaramde wekukurap ea wane raki paki, alakan medep suaine eŋine metezamot ea korop qikka more qeliŋge.

17 Ŋine mo detmami, ŋado eŋe magainano ŋine mosop mayakane kake, ŋo siluŋ eŋe main kaki zinge arike. Onoka wane eŋe tanik daleo okange, ea wane numa mane maratkaki paki wetne mi maingeke. Ŋo siluŋ eŋe deine doku roku, ea wane koso zuaŋge.

Nene Sinai Bonaga Mida Nene Zion Bonagao Lotkekone

18 Israel ŋei ŋerep edo sarikoi yale, ŋine Sinai Bonaga maine uakakei, gerep bolaminerop, panaman so di qomine, so momo togogole yewao mi sari waketkoi.

¹⁹ Romon ukatne so don suasua. N̄ei n̄erep eñe aña don mane detpi paki, eñe aña don ea koso mane mi desikei wane Mose olatkoi.

²⁰ Onoka wane eñe don iwa yale rake ea wane eñe kaetonge, “N̄ei me osom mane eñe bonaga uakayakeo, eñe wesino kitopelekeu seukeake.”

²¹ Masi ea oña qai qaine wakonman̄ki, Moseno rake, “Na zonomne oremaike so kaet nanmaike!”

²² N̄ine kine kine yalinea mi sari lotkekoi, midakaka, ea wane tungo yemo n̄ine Zion Bonaga so Anutu gegeinerop eñane mat suaine, qeliwo Yerusalem añelo maguine maguine loutne, oi bakom gorop gemami, ea sari lotkekoi.

²³ N̄ine Anutu gipolekoune sogine, en̄etene qeliwo qeki pamaike, eñane oi bakom lewa lewan̄ namuñino sari lotkekoi. N̄ine Anutu eñe n̄ei n̄erep korop kineze mawakon wareake, eñano lotkekoi, so n̄ei koboboine eñane oña oñaene maki menañwarekoi, eñano takotkekoi.

²⁴ N̄ine Yesu wano sarikoi, oño siwa siwap me tako rakot musele ea maulukke, so n̄ine mo Yesu wano lotkekoi, eñe n̄inane ra more wen̄emine qakki, taun̄unge, eaño yemo zok kine kine mayakatne ea wane ramaike, wen̄em eaño Abel wen̄eminane kop, midaka, Yesu wane wen̄em, eaño yuan kamaike, so don mayakakatne ra qe-lan̄anmaike.

Anutuño Gemage Kepe Ruzakki Maingeake

²⁵ Don n̄idanmaike, n̄ei ea wane don n̄adekkakei wane kaulukkei. Mokaka kino kepeo Sinai bonagao ketki paki, n̄ei don togogole edangi dere n̄adekkakoi, eñe mi kakakka arikoi. Wane,

iwa yemo, eɲe qeliwo geki paki don ɲedan okanmaike, ea wane, ɲene qeliwoka mere don ɲedanmaike, ɲei yewa ɲadekkaikeneo, ɲene da-leo kakakka ari borikinezane turuɲine midaine gekene? Yemo mida togogole!

²⁶ Naso yewao eɲane doneɲo kepe ruzakki qiseke. Ɖo iwa yemo done iwa yale rake, “Na baɲ naso maneo koso atak mane kepe ruzakewe qiseake, so kepeka mida, qeli so kepe weneɲ ruzakewe qisekeik!”

²⁷ Donba “atak mane” eaɲo didiwo sikanɲonmaike, yemo yeye kine kine ma wakonwareke, ea korop baɲ ruzakki qiseki paki, qe maingeki siukwareake. Eso yeye kine kine mi siu siukine, eaɲo baɲ wakone papa togon payake.

²⁸ Ɖene Anutu wano ɲine qeli ewe zonom mo makone, ea wane eɲe baɲ ruzakki mi qiseake, onoka wane ɲene Anutu wano ɲine yeye kine kine papa togon korop, eamo korop ma warekone. Yewa wane ɲene bakom kitokene paki, Anutu oɲom detki, baɲ menageake, ea wane kopko wetze ma ketɲem paki, ewine kito meɲen kaikene.

²⁹ Onoka wane Anutuze eɲe welekatne gerep bolomineɲo kine kine korop zeki mida leleake.

13

Wet Maep Okannaguɲem Anutuɲo Detki Menageake

¹ Doku tau tau magu ɲine Kristo wano kitou paki, naso baɲem kima kima gemamiɲo, yemo ɲine maneɲo mane wet maep ɲine warekau

ņinano tako rakot paki, ñine ñidomka ama nagu gema nagu okan nagu gekei.

² Ñei kuneñine mat maneo ñine sariu ñine dere more, ebu matñino biraonikei, eamo misuk qelipñongei. Ñine mi detmami. Sogino ñei natne edo mi dereret ñei kimakopze okan onmaine ra, aņelo okan ongoi.

³ Ñine Waom wane ñei ñerep mulap urumgo biraonbi metmami, eñane detpi ñine weneñ birañunbi metmami, yale okaniake. So ñaba edo engu kito okanonmami, eñane detpi ñine weneñ kepe yewao ñingu kito okan ñunmami, yale okaniake. Paki ñaba eñe ñine maine yale waka okan ñunikei

⁴ Ñao ñanom zokit ma more gege, ea yemo koropño detpi wele okaniake, so ñaokopene so ñanowekopene eñe bororom okannagu gekei. Anutu eñe bañ ñei ñerep wenip qazazañka mamami so zokit kitat okanmami, ea wane kineene ma wakone turuñine eboniake.

⁵ Gegenine warekau wesi aboñ wane simileño ñinane wet dereret me mali malipñino seleleine me umatnerop misuk payake, ñine kine kine pa ñibonmaike, eaka rokop ñino maine magekei, Anutu oñom iwa yale rake, “Na bañ mi qeliñ ganikale, Na mane mi bañ ñadek ganikale.”

⁶ Ea wane ñene wetze wareka more, ma togoleñem paki, malipka togole more raikene,

“Waom eñe nañane mapi mapikne, Na bañ mi kaet naniake, Ñei eñe na onoka maine okannaniake?”

Miti Don Kito Nebongoi, Eaka Magenem Paki, Yesu Nadino Arikene

⁷ Miti nei njetne mamakop njine enjane desikei, edo Anutu wane don njidane kito njibon okangoi. Enjane gege tanik manik enje daleo geu paki seukkoi, ea zinge detkaikei, so enjane mali malip ma gekoi, ea detpi paki eaka mogare malipka gekei.

⁸ Yesu Kristo enje kineine wekuka, yatne, me ukude, so naso banem, papa togon pa ariake.

⁹ Dereret kine kine kunenjne, kine mane korop ea detkau eaŋo misuk numa koboine ea njine waraŋ njune ariake. Nenane asu oŋa oŋaze yemo mayakatne Anutu wane dan gunutŋo maki togoleake, Yuda wane njara wane rara togon numa tewekkene, ea wane mida, nejwa Yuda rara togon numa wa yemo korop teweke magekoi, yewaŋo enje mane mi mapik onge.

¹⁰ Yuda Pris enjane Bakom Urungo urata ma gekoi, enje njenane soe soep Yesu Kristo bakominane aratao njine mi nekei wane raraine.

¹¹ Yuda Pris Wawaine enje osom wenjmine, ea ma ari Urum Kobekine Togogole eao sotene saukkei wane ma waketkoi, ŋo osom wele ea, yemo korop mat wazaino qakeu, gerepko ezomaŋke.

¹² Eso Yesu enje yaleka enjine geu, wenjeninenjo nei njerep borikineene Anutu wane kait saukeakane, mat suaine ea wane madet wazaino geu seukke paki, eaŋo ebuki Anutu wane nei njerep wele so koboboine okangei.

¹³ Ea wane njene mat wazaino enjano arinjem paki, enje gamu maratkake, yewaka njene

maratkaikene.

¹⁴ Iwa kepeo njenane mat suaine mane bile mi metmaike, jene mat mane suaine ban njado sari wakone mere wayake, ea kaikenane toma gemaine.

¹⁵ Ea wane jene Yesu wane ra more, naso banjem Anutu enjetine ora mawa kanjem, enjo Anutu wane soe soep mawa mawaine so bakomine okaniake, welekatne ea yemo anja pizane wele enjetine ora ma walak kaikene.

¹⁶ Sogino enj kine kine maine nej njerep okanone ge arikei wane, so njinjine mapi mapik okan nagukei wane, misuk niget njuniake, onoka wane nej njerep natne enj kine kine yewanjo natne zuageu, jene pa njibonmaike, no enj mapik onikei, jene ea wane misuk niget njuniake, Anutu wane bakom mawa mawa wele okangi, Anutunjo enj detki simile kayake.

¹⁷ Njetnekopjine, enj qesinj njunikei wane okanbi, jene enjane anjane tewekkei, enj njinane diam naso banjem okanmami, so enj ban urata daleo njinano mamami, ea wane Anutu olasikei. Yale wane mo jene enjane anjane teweke more, enjane bango tamge gekei, jene yale okanonbi, enj oi bakom kutno urata ene maine maikei, so dere umat mane mi okangei. So edo dere umat so dere worik kutno urata maikei yewanjo yemo jene maine mi mapik njuniake.

¹⁸ Njine silun njenane tako rakot Waom mejenja gekei paki, enj jene qesinj njoniake, jene mo detmaine, jene kotoze Anutu wane kaitko maineka pamaike, onoka wane jene kine kine maineka

maikenane so naso banjem koboboine gege ea wane njonmaike.

¹⁹ So na togoleka manerop ra korop njidanmaile, yemo njine mejenkau, Anutuño qesiñnane tale-nangi, na ban njinano ikopka ulotkekale.

Meje Mejen

²⁰ Peam wane Anutu oño tako rakot so siwa siwap wenjem papa togon, ea wane raki paki, Waomze Yesu seu seuo njine ma wirikkaki wisikae wieke, eje lama ejane Wareware Kakapa suaine.

²¹ Peam wane Anutu oño maine yeye kine kine weku mane njine zuañ okanmami, ea korop njibongi paki, ma ewekñungi njine añaine tewekkei, so eje maine Yesu Kristo wane raki paki detki menañgi kine kine okan ñoniakane wetkemaikae, ea ma wakone njiboniakae. So Kristo wano, yemo kibi maepño naso banjem naso banjem papa togon pa ariakae! O weleka.

Don Piwitne Natne

²² Kimakopne, na njidanmaile, yemo njine ketñine more girem don iwa motmaile, ea desikei. Na don qe njibonmaile iwa, don kiroine mida.

²³ Na njine desikei wane nanmaikae, yemo kimize Timoti eje mo mulap urumgo njine si-wotkau, saketike. Eje ikopka sariakae, yemo na iwenkawe ban wenen narop ununikete.

²⁴ Nñenane oi bakomze suaine okan nñunmaine iwa, ñetnekopñine korop so Anutu wane ñei ñerep magu ea korop edanwareu. Itali kepeo njine kimakopze, eje oi bakomene njinano wenen motpi umaikae.

²⁵ Anutu wane dan gunutŋo maineŋo korop
ŋinano pawareake.

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

646541a1-8d36-5993-802c-6bb850da5963